

ration si dovea venir su questa renga a dir l'opinion mia in questa materia, perchè di un canto cognosso parlar contro persone a mi conzonte in parentà et grandissima amicitia; da l'altro, considerando le infinite ubligation ho a le vostre Excellentissime Signorie e la benigna audientia che sempre che parlo quelle mi presta, et l'honor le fa a le mie opinion, per tanto ho voluto postponer ogni beneficio particular et difender il ben publico, come dia far cadaun bon citadin, et *maxime* vedendo metersi una parte devia dal sentimento mio, contraria a le vostre leze e di mal exemplo et di poca utilità, la qual dia esser repudiata da le vostre Excellentissime Signorie, per le raxon ch'el vostro servidor tocherà. Et azìo sapia Vostra Serenità, dil 1522 a dì 16 Oetubrio fu preso in questo Consejo, ma prima nel Consejo di Pregadi, atento il bisogno si havea de ducati 6000, allora, di elezer uno Procurator qual avesse a intrar dil 1530 a dì primo Marzo, nel qual tempo fusse butado le tessere in qual Procuratia dovesse intrar, vacando o non vacando Procuratori, con questo che lo electo potesse *solum* in questo mezo venir in Pregadi melando ballota, nè avesse altra prerogativa, et fosse obligato prestar a la Signoria nostra in contadi ducati 8000, la restitution di quali fusse dil 1523 ducati 1000, dil 1524 ducati 1000 et ducati 2000 li sia ubligati dil deposito dil sal di Novembrio 1523; per il resto, ch'è ducati 6000, li depositi dil sal 1526 et 1527, et non possendo scuoderli, il dazio di la mazena etc.: *quod modo sit verum*, lezi la parte. Et fo lecta la dita parte con grandissima attentione de tutti.

Con questa condition promossa per lui, fo electo missier Zuan da Leze, et non è passà do anni à auto li ducati 2000. Hora fa meter una parte ch'el possi intrar Procurator; non si buta più tessere, vol di la Procuratia *de citra*, ch'è la rica, offerendosi prestar ducati 1500 per 18 mexi con partida di banco di la restitution di questi; li qual ducati 1500, si femo conto, si troverà tolendo la Signoria vostra a interesse con danno per tanto tempo di ducati 200 e manco; parte, Signori, che non merita aver ballota dalle Excellentissime Signorie Vostre. Prima, Signori

149 • Excellentissimi, è contra le leze, perochè dil 1493 a di ... Mazo fu preso parte in questo Consejo, che non si possi dar agumento nè preheminentia nè altro ad alcun electo in rezimentò ovvero in officio sotto grandissime pene, commessa la execution a li Avogadori di Comun, sicome apar in libro Stella, a carte 126, la qual non farò lezer ma è cussi certo questa parte non è anni 20 o poco più che la fo presa, et questa

si vien a romper cussi santissima e ben considerata parte.

Et son certo si questi Excellentissimi padri senatori havesse udito questo non l'hariano presa; la qual però fo presa di 5 ballote.

Questa parte è di mal exemplo, perchè, come si averze questa porta che con danari prestadi si possi mutar uno officio in l'altro, come è questa che vol *signanter* la Procuratia rica, potrà occorrer, perchè, Signori, *nulla magna civitas quiescere potest*, che uno sarà electo Podestà vorà esser Capitano, farà meter la parte; ovvero uno sarà in qualche officio utile, farà meter li sia perlongà a star uno altro anno con prestar danari, e che danari ch'è con ducati 200 di danno. La Republica si pol servir e non romper le leze e far questo disordine, qual fato una volta non si pol remèdiar.

Mi si poria dir il bisogno dil danaro fa meter questa parte; digo, Signori, questi ducati 1500 per 18 mexi non è niente. Avè vu bisogno? nol voria dir, c'è di modi assai; fe uno altro Procurator, averè ducati 8000, o più Procuratori; ma li Savii ch'è al Governo dil Stado saperà ben trovar il modo di trovar danari, e non a questo modo: che non è da voler questa parte per cossa alcuna contraria a leze, di mal exemplo e di poca utilità. E che si veda in li vostri libri di la Canzelaria tal parte posta, che quando si havea perso il stado e si brusava Mestre e Margera da li nostri nimici, mai fo messo una tal parte; si se feva officii per danari, si feva con seontri e non a questo muodo.

Questa parte, Signori, non è da prender, e, missier Zuan da Leze, sete stà electo con un muodo, contenteve: *sorte tua contentus abi cæteraque relinque*. Ho voluto dir queste poche di parole con la servitù mia, et di ogni deliberation che quelle farà resterò più che satisfato, et a vostre Excellentissime Signorie mi ricomando.

Serenissimo Principe et Illustrissima Signoria. 150

Essendo stà electo io Zuan da Leze procurator de san Marco per la gratia de lo Excellentissimo Gran Consejo, con condition che del 1530 a dì primo Marzo possi intrar in la Procuratia *cum* li modi et condition che sono li altri; et desiderando per convenienti rispetti de intrar al presente, hora offerisco de prestar al presente ducati 1500 a lire 6 soldi 4 per ducato in contadi fuor di banco *immediate* che sarà posta et presa la parte in lo excellentissimo Mator Consejo, che io possi intrar *de presenti* in la